


taaxigem faxximta qasirwa

massakaxxa :

le sheekhih bicsa
Baaz Qabdallah baxa shek Qabdul Qaziizi
Yalli kaah racmatay



Taaxigem Faxximta Qasirwa Ummatta Inkih

Massakaxxa le sheekhih bicsa

Baaz Qabdallah baxa shek Qabdul Qaziizi

Yalli kaah racmatay

شركاء التنفيذ:



المحتوى الإسلامي



رواد الترجمة



جمعية الربوة



دار الإسلام

يتاح طباعة هذا الإصدار ونشره بأي وسيلة مع
الالتزام بالإشارة إلى المصدر وعدم التغيير في النص.



Telephone: +966114454900



ceo@rabwah.sa



P.O.BOX: 29465



RIYADH: 11557



www.islamhouse.com

Aakama

Fulte racmattaay gune racmatta le yallih migaqaal qimbisa

Qaalam (baad) gine rabbi fayla le, ellecabo maqaane yallak meesita mari le, kaadu yallak racmat kee nagaynan kay naqasuu kee kay farmoyta ni nabii mucammad kee kaa nummayse maraay kay kataysiisil inkih yanay.

Yalla fayliseeh kay farmoytal racmat kee nagaynan oobisek lakal

Tamah dago qangooruuy inkih yan mari yaaxigem kak faxximtaay islaam diinik tuy waajibih tanik baxxaqqa kinni ummatta inkih taaxigem faxximta qasirwa

Tama kitaabal yalli muslimiin inkih yanfiqem kaa essera, kaadu yalli yok kaa oggolay, yalli mattacoo leeh massakaxxa le rabbi kinni.

Baaz qabdallah baxa shek qabdul qaziizi

Ummatta inkih taaxigem faxximta qasirwa

1hayto darsi : suurat alfaaticaa kee ux suuraari

Suurat alfaaticaa kee ux suuraarik koh bicinnaanim takriye, suurat zulzilaay suurat annaasa fanah kiraate kak taymaaqqeeh aliilih tafsideemi, yafhimeenim kak waajibih tanim yashriceemi (maqnisaa).

2hayto darsi : islaam diinih ruknitte (makaadooda)

Islaam diinih ruknitte baxxaqqa: naharsi rukniy naba: inki yallak sa qibaada cakkisita yalli aneewaamah sumaaqitaanama, kaadu diggah nabii mucammad yallih farmoyta kinniimih sumaaqitaanama, tet maqnah adda baxsa aaxaguk, laa ilaaha illaallah maqna kee sharti baxxaqqa kak haak, laa ilaaha iyyaanamih maqna (inki yallak kalah uqbuddu haanam gutqaanama,) illallaah iyyaanamih maqna (qibaada dibuk inkih yalla caglisaaanama agleyta kaat hee kalah. Laa ilaaha illaalla shartih tu gactek toh: ixigay iggima gutuqtaa kee asmatay agay waaga gutqa kinni, kaadu yallat agleyta haanam gutqaanama, qibaada yalla caglisaaanamay yallat agleyta haanam gutuqtaay nummaay dirab gutuqtaa kee kacanuy naqabu gutqa,tama him inkih, tama namma shatrih addal gaabowte:

Asmat le ixigaaay, ikhlaasaay, nummaysiyyaay kacanuu kee oggol katayyo luk. Edde osis bacar haytuh abta cina yallak kalah taniimiy kah xiinaana

Diggah nabi mucammad yallih farmoyta kinniimih sumaaqittaaama'Iluk kay maqna baxxaqissaama, kaadu usuk

warseemil kaa nummassaah, usuk elle amriseemil kaa oggoltaama, kaadu usuk kak waaseemik waasimtaama; kaadu yalli elle madqennaa kee kay farmoyti elle madqe innak kalih innal yalla aqbude waytaama, tohuk wadir gurrusa numuh arkaanul islaamak raqtem kaah baxxaqissaama, woh salaataay, zakaay, ramadaan soomuuy, duudah yan num yallih qari kaqba cajihi diyaarah gexaama.

3hayto darsi : iimaan ruknitte (makaadooda)

Woo ruknitte lecey takke: yallal taamineeh, kay malaykal taamineemi , kaadu kay kitoobaa kee kay farmoytit kee ellecaboh ayro taniimil taamineemi; kaadu qhadar inkih yallak yaniimil taamineemi khayri tekkek hinnay sharri tekkek.

4hayto darsi : tawciid kuritteetaa kee sherki kuritteeta

Tawciid kuritteh baxxaqqa: usuk sidiica aracal kurruuma : tawciidul rubuubiyyaa kee tawciidul uluuhiyyaay, tawciidul asmaa-i wassifaat.

Tawciidul rubuubiyyah tu gactek: toh diggah yalli saytuniih ummaanim gine kinniimil sahdayti yaaminem kinni, ummaanim isih elle faxa innal tamsiisaah, tohul agleyta aallewaamal yaamineemi.

Tawciidul uluuhiyyah tu gactek: toh diggah yalli saytuniih, nummal qibaada cakkisittam kaa kinniimil sahdayti yaaminem kinni, tohul yalli agleyta aallewaamal, tama maqna inki yallaksa yalli miyan iyyaanama: tokkel diggah maqna teetik nummah dibuk qibaada cakkisita yalli miyan inki yalla akke waytek, salaataay soomuuy, wohuk kalah eneyyi itta qibaadoodi inkih, dibuk yalla caglissi heenih abaanam waajib kinni, tama qibaadoodik tu yallak kalih iimih abaanam maxiqta.

Tawciidul asmaa-i wassifaatah tu gactek: toh qhuraanul kariimil amma itteemiy hinnay saciicik yan cadiisaatal yallih migaqwaa kee weeloolak amma itteemil inkih sahdayti yaaminem kinni, dibuk yallay saytunih tet dabqissaama kaa elle celta foocal maqna elle taninnak kak korse kalah, hinnay yllih migoqti inkih yankirem (cinaam)kee kay weelo manna lee iyyaanamaay, yalli caglitah yan weeloo kee cakkil weelo kaat haanam abe woonay; tokkel yallih maxcol taamitak yalli suurat al-ikhlaasal kah iyyennah: nabiiyyow ixxic:

﴿حَمَّ ۝ عَسَقَ ۝ كَذَلِكَ يُوحَىٰ إِلَيْكَ وَإِلَى الَّذِينَ مِن قَبْلِكَ اللَّهُ الْعَزِيزُ الْحَكِيمُ ۝ لَهُ مَا فِي السَّمَوَاتِ وَمَا فِي الْأَرْضِ ۖ وَهُوَ الْعَلِيُّ الْعَظِيمُ﴾ [الشورى: 4-1]

Usuk yallay inkittu kinni, agleyta mali (1) yalli cagalah fan kak caagî dooweyna kinni faxxa haanamah (2) yalli maxalinnaay, kaa xaltem matan (3) kaadu makkinnaay, mayan inkittuy kaa ceelaah kaa qeedaala(4). [assamad : duddaluk] , fayyale rabbih maxco tu kay ceelo maliy, usuk (yalla kinnuk)yaabbiiy yabali kinni suurat ash-shuurak11toh aayata

Diggah ixxiga le marak garabtawciid namma aracal kure ,tawciidul asmaa-i wassifaat, tawciidul rubuubiyat culsen, tama aracal itta wayti matan, tama namma kurat faxeenim qadoh.

Shirki sidiica gexoh yan: kaxxa shirkii kee qunxa shirkiiy, qellita shirki kinni.

Tokkel kaxxa shirki:

Aben meqe taama baysaah giral waaraanam waajibisa, woo shirkit anuk rabe num, naba rabbi isi qhuraanal kah iyyennah: yot agleyta hiinnoonuy abak sugen taama keenik bayak ten iyye,yalli isi

qhuraanal [suurat al-anqaamak 88 haytoh aayata] , saytun rabbi iyyeh:

﴿مَا كَانَ لِلْمُشْرِكِينَ أَنْ يَعْمُرُوا مَسْجِدَ اللَّهِ شَاهِدِينَ عَلَى أَنْفُسِهِمْ بِالْكُفْرِ أُولَٰئِكَ حَبِطَتْ أَعْمَالُهُمْ فِي النَّارِ هُمْ خَالِدُونَ﴾ [التوبة: 17]

Yallat agleytit haa marah maxiqtaay matakka ,yallih masaagid xisaanaah qibaada elle abaanam, usun sinni nafsil koroosannul sumaaqita marah anuk, too mari qhiyaamah ayro taamoomi kak bayte maraay usun giral waaran. [suurat attowbak:17 haytoh aayata] , tama shirkih bagul rabe numuh yalli danbi macaba , yalli jannat kaal caraamu abeh yan, - **yalli kah iyyennah** –

﴿إِنَّ اللَّهَ لَا يَغْفِرُ أَنْ يُشْرَكَ بِهِ وَيَغْفِرُ مَا دُونَ ذَلِكَ لِمَنْ يَشَاءُ وَمَنْ يُشْرِكْ بِاللَّهِ فَقَدْ افْتَرَىٰ إِثْمًا عَظِيمًا﴾ [النساء: 48]

Diggah yalli agleyta kaat hayya haa marah dambi macabaay ,dambittek wohuk addah raqqa ittam isi naqoosak isih faxa marah cabah. [suurat annisa'a aayatak : 48] , saytun rabbi iyyeh:

﴿لَقَدْ كَفَرَ الَّذِينَ قَالُوا إِنَّ اللَّهَ هُوَ الْمَسِيحُ ابْنُ مَرْيَمَ وَقَالَ الْمَسِيحُ يَبْنِي إِسْرَءِيلَ أَعْبُدُوا اللَّهَ رَبِّي وَرَبَّكُمْ إِنَّهُ مَنْ يُشْرِكْ بِاللَّهِ فَقَدْ حَرَّمَ اللَّهُ عَلَيْهِ الْجَنَّةَ وَمَأْوِلُهُ النَّارُ وَمَا لِلظَّالِمِينَ مِنْ أَنْصَارٍ﴾ [المائدة: 72]

Diggah yallat agleyta haa num, toysa nummah yalli jannat kaal carammoyseh, kaak madab kee orbeyna gira, kaadu isi nafsil koroosannut yudlume mari yallih digaalak isi cataah qokla mara mali. [suurat al ma-ida, aayatak : 72].

Kaadu shirki loowot edde tan, rabe mara kallacaanam kee numtin wellitteey, numtin wellittet cato faxaanam, kaadu keenih axbuux aanam kee masgaada keenih abaanam , kaadu wohuk kalah taniimih.

Qunxa shirkih tu gactek: usuk qhuraan kitab kee hinnay allih farmoyti sunnal shirkil muggaqsimteemiy dabaqte kinni, kinnih immay kaxxa shirkih loowot miyan, toh taamoomik tu yoobulah abaanama, kaadu yallak kalih iimil xiibitaanama, num iyyah innah,yalli faxeh hebeltoyti faxek iyyek, hinnay wonnah tanim iyyaanama, yallih farmoyti racmat kee nagaynan yallak kay amol yanay. Maggom siinih kak meesitam qunxa shirki kinni iyye toh kaa essereenih, iyyeh: yoobula kinni iyye. Tama cadhiis imaam acmad baahe, tabraanii kee beyhaqhi, ansaariiti labiid baxa macmuuduk qande le gitak baahen,yalli kay taama yakcanay, kaadu tabraani qande le gitak baahe, labiid baxa macmuuduk, khadiid baxa raafiqh yallih farmoytak baahe: yallih farmoyti racmat kee nagaynan yallak kay amol yanay. Yallih farmoyti -racmat kee nagaynan yallak kay amol yanay- iyyeh: yallak kalah tul xiibite num toysa nummah yallat agleyta heeh iyye. Imaam acmad saciicik yan gitak baahe khattaab baxa qumaarak baahe -yalli kay taama yakcanay- kaadu abuu daawuud kee tirmizi saciicik yan gitak baahen ; qumar baxa qabdalla, baahe cadhiisil yallih farmoytak racmat kee nagaynan yallak kay amol yanay, diggah yallih farmoytak usuk iyyeh: yallak kalih iimil xiibite num toysa nummah usuk koroositeh, hinnay yallat agleyta heeh iyye. Yallih farmoyti -racmat kee nagaynan yallak kay amol yanay- iyyeh: kaadu yallih farmoyti racmat kee nagaynan yallak kay amol yanay iyyeh:yalli faxeeh hebeltoyti faxek maxcina ;kinnih immay,yalli faxeeh tohuk lakal hebeltoyti faxek ixica iyye. Abuu daawuud saciicik yan gital baahe, kaadu yamaani baxi cuzeyfak baahe yalli kay taama yakcanay

Shirkik tama shirki islaam diinik koreenim keenil mawaajibisa, kaadu giral waaraanam keenil mawaajibisa, kinnih immay waajibik yan tawciidik dudda gutqah.

Sidocaytoh shirkih tu gactek, usuk qellita shirki kinni, tamahak sumaq yallih farmoytih maxco kinni -yallak racmat kee nagaynan yallak kay amol yanay- anu yi garil masiici dajjaal fitnak nabaamay siinih kak meesita siinih warsoo? Keenik iyye. Yeey neh warisey yallih farmoytaw iyyen, toh qellita shirki kinni keenik iyye. Num soolaah salat aba, tokkel isi fanah wagta numut isi salat bilqisah isi yablemkeh. Imaam acmad isi musnadal baahe kaadu shirki cagalaa namma ikkeh kuraanam xiqtah: kaxxa shirkii kee qunxa shirki , qellita shirkih tu gactek usuk inkih ken gaaboysah, toysa. Kaxxa shirkit radah, munaafiqhiin shirkih innah, diggah usun deedalal sinni nafsit qellisaanaah, yoobulah islaamaninno yaybulleen sinni nafsih aban meesih. Kaadu qunxa shirki yoobulah innah yakkeh, cadiisil kah taninnah, ansaariiti labiid baxi macmuud cadiisiy koh tatrel, kaadu saqiid abbah cadiisiy koh cussuumel kah yemeetennah, meqe gita kot yasgooroweemih awlayti yalla kinni.

5hayto darsi : maqaane

Icsaan rukni inkittu kinni, woh yalla tableh innal taqbudeemi, toysa atu kaa yable num akke waytek, diggah usuk koo yablehik.

6hayto darsi : salat shuruut

Sagaal yakke: muslimtu takkeemi, kasle num takkeemi ,umaanek maqaane ittak baxsah yan num takkeemi , wado sinna isik kaltaama , najaasa isik kaltaama , qawrat isik tastureemi , salat wakti culaama , qhiblatat tafkuneemi , niyattaama.

7hayto darsi : salaatak ruknitte:

Arkaan taban kee ferey yakke. Arkaan usuk salaatat culan waqdi kinni geytimam. Soolo: duuda num salaatah soolaama ,takbiirat alicraam baahaanama , alcamdu yakriyeenimi , rukuuq abaanama , rukuuqul lakal soolaanama , malcina xagarah kummaataanama , kummaatiyyak moyya fayya haanama , namma sujuudih fanat daffeyaanama, abba haan taamoomil inkih dagom idiyyi (xikki)iyyaanama ,tama ruknitteh fan itta kattaysaanama , ellecaboh attaciyya abaanama , ellecaboh attaciyyah daffeyaanama , tet addal yallih farmoytal racmat kee nagaynan oobisaanama , ellecabol namma salaamat abaanama.

8hayto darsi : salaatak waajibih taniimi

Is bacaar yakke takbiiratul icraamak kalih takbiiratwa inkih abaanama , samiqallaahu liman camidah itta maxco iyyaanama, imaam tekkek hinnay dibuk yan num tekkek , rabbanaa walakal camdu itta maxco inkih iyyaanama , rukuuqul subcaana rabbiyal qaziim itta maxco iyyaanama , kummaatan waqdi subcaana rabbiyal aqlaa itta maxco iyyaanama , namma sujuudih fanal rabbi aqhfirlii itta maxco iyyaanama , naharsi attaciyya abaanama , kaadu teetih aban daffeyna abaanama.

9hayto darsi : attaciyya baxxaqqa

Attaciyyak baxxaqqa : num iyyaama: attaciyyaatu lillah, wassalaawaatu, wattayyibaatu, assalaamu qaleyka ayyuhannabiyyu waracmatullaahi wabarakaatuh, assalaamu qaleynaa waqalaa qibaadillaahi saaliciin, ash hadu allaa ilaaha illallaah wa ashadu anna mucammadan qabduhuu warasuuluhu iyyaama. Tohuk lakal yallih

farmoytal racmat kee barkat oobisa, tokkel iyyah: allaahumma salli qalaa mucammad waqalaa aali mucammad, kamaa salleyta qalaa ibraahiima, waqalaa aali ibraahiima innaka camiidun majiid, wabaarik qaala mucammad, waqalaa aali mucammad, kamaa baarakta qalaa ibraahiima, waqalaa aali ibraahiima innaka camiidun majiid. Tohuk lakal ellecaboh attaciyyah addal jahannam girah digaala kee qhabri digaalaay, manoo kee rabi makkorooy masiici dajaal fitnak koo magansita iyya, tohuk lakal dooqak isih faxa dooqa abay, amahak yallih farmoyti abe dooqa abaanam aysuk raqta. Tama dooqa attaciyyat edde tan, toh: allaahumma aqinnii qalaa zikrika washukrika wacusni qibaadatika, allaahumma innii zalamtu nafsii zulman kasiiraa, walaa yaghfiru azzunuuba illaa anta faghfirlii maghfiratan min qindika, warcamnii innaka antal hafuuru^raciim.

Naharsi attaciyyah addah tu gactek, namma shaadatih maxcoh lakal sidocayto rakqatah soolay, dohri salat kee qasriiy maqhrib kee qishal, namma shaadatih lakal, yallih farmoytal racmat kee nagaynan oobissi heeh soolam aysuk raqta, tohul cadiisaat yemeeteemih sabbatah, tohuk lakal sidocayto rakqatah soola.

10hayto darsi : salat sunnaani

Tohuk teetik tanim:

Naharak salaatat culan waqdi aban dooqa

Soolan waqdi rukuuquk nahar kee kaak lakal migdi gabah gennaqta guri gabah bagul haanama gaba aliilik bagul haak.

Namma gabah feeraari itta fanah abbaxuk ruubak fayya haanama, namma sunkuh missa akkee kee hinnay, namma aytih missal fayya haanama, naharak icraam takbiirat aban waqdii kee rukuuq kee

rukuuquk amo fayya haan waqdiiy, naharsi attaciyyak sidoccayto rakqatah soolan waqdi inkih gaba fayya haanama

Tasbiic rukuuq kee sujuudul inki addak ossaanam sunna kinni

Rukuuquk sooleek lakal rabbanaa walakal camdu itta maxcot ossaanama, kaadu namma sujuudih fanal aban dooqal inki addak ossaanam sunna kinni.

Rukuuqul moyya xiiron missal haanama.

Sujuudul namma tobdo namma gambik fakka haanam kee bagu namma reeqarek (xeeqarek) fakka haanama, kaadu namma reeqare namma sarbak fakaanama sujuudul.

Namma gaba baaxok fayya haanama sujuud aban waqdi.

Salat aba num naharsi attaciyyaa kee namma sujuudih fanal aba daffeynal guri iba fidisak kaal daffeyaah , migdi ibih xibqi soolisaama

Affara rakqat akkee kee sidiica rakqat yakke salaatal ellecaboh attaciyyah daffeyan waqdi xoggah daffeyaanama, is tawarruk daffeyna deqsitta:“ toh guri iba migdi ibak guba haanaah , migdi ibih xibqi soolisaanama.

Naharsi attaciyyaa kee nammay haytoh attaciyyah daffeya waqdi attaciyyak umurruqqu iyyam fanah cangoyseena deqsitta feerat ascossi abak tet yasgayyay dooqa aba waqdi

Racmat kee barkat nabii mucammad kee kaal yeemene maral oobisaanama, kaadu nabii ibraahim kee kaal yeemene maral naharsi attaciyyal racmat kee barkat oobisaanama.

Ellecaboh attaciyyah addal dooqa abaanama.

Subci salat kee gumqattaay, namma qiidih salaataay robti efeqyah aban salat kee maqhib kee qisha salaatak naharsi namma rakqatal kiraate fayya haanama

Dohri salat kee qasriiy maqhibik sidocayto rakqat kee qisha salaatak ellecabo namma rakqatal tama rakqatittel inkih xongolo aysabbeekal qellut yakriyeenimi.

Qhuraanak suurat al faaticak maggo suura yakriyeenimi, kaadu salat sunnaanik raqteemiy temeeteh tani dacrissamalluk, tama edde yabnem koh raqtuh , wohuk salat aba numih maxco maggoh “ woh rabbanaa walakal camdu iyyaanama ” rukuuquk amo fayya haan waqdi, nummah imaamaay, maamuntaay dibuk yan num inkih tet iyyaanam toh sunna kinni , kaadu wohut edde tan namma gaba namma gulubul haanam, gaba feeraarih fan sittak fakak.

11hayto darsi : salat bayissaama

Is bacaar takke

Kassitak aaxaguk loowitik aban yab salat baysah, hawweene num kee iggima le numuh tu gactek tohuu salat keenik mabaya.

Asal salat baysah

Makmo salat bayissah

Maqub salat baysah

Salaatat anuk qawrat yumbulleek salat bayah.

Qhiblat le kabuk maggom makkiimeenik salat bayah

Itta kataata angoyyi salat addat maggom abaanam salat bayissah.

Wado baytek salat bayah

12hayto darsi : wadok shartitte

Is taban takke: slamtu yakkeenimi , kasle num yakkeemi ,tu ittak baxsa num yakkeemi , niya baahaanama, kaadu niya udurrusaanam waajib kinni, wadok gaba kalla haanam fanah niya argiqe waanama , kaadu wado kaal waajibissam kaak taggiriqqeemi , wadok naharat leet taahir abee kee xheetit taahir abe yakkeenimi , edde waddoowa lee taahirik taniih calaalik tan lee takkeemi , lee xagar gufe kaltam xagaral aallewaanama , wado sinna umman tabbixeh tan num yekkek salat wakti culekal waddoysitewaama , wado tama elle taninnal itta kattaysaanama.

13 hayto darsi : wadok farditte

Is lecey takke: fooca kaqlisaanamat edde tan af rukaanam kee sanat lee ruubaanam. Namma gaba cusulu fanah kaqlisaanama. Kaadu amo inkih duugaanama , namma ayti edde anuk. Namma iba xukquno fanah kaqlisaanama. Wado itta kataysaanama. Wado itta kattaysaanama ama elle amma itte gurrat. Fooci kaqal soo kee namma gabaay, namma iba inkih sidiica adda kaqlisaanam kacanu le , kaadu wonnah af rukaanam kee sanat lee ruubaanama, wadok fardi inki adda kaqlisaanama, amoh tu gactek duugo gacaa gacsaanam kacanu mali, saciicik tan cadiiswa elle tescesseennal.

14hayto darsi wado bayissaama

Is lecey takke: namma gitak tewqeemi (salaf kee fooci qawrat kinnuk) , qaxumah taniimiy najaasak taniy xagarak tawqe wado bayissah , kas kok gexaama: xiinit gexek hinnay wohuk kalah taniimit gexek , qawrat gabah xagaanama: fanat tu aalle kalah fooci qawrat

tekkek hinnay salafti qawrat tekkek xagaanama , kaadu gaali cado yakmeenimi , islaam diinik korraaqaanama: yalli wohuk nee kee muslimiin inkih catay.

Faxxiimah yan garci kalootu: rabe num kaqlise numuh tu gactek, tokkel woo kaqalso wado kaak mabayissa(saciicik yan cadiisil) tama maxco maggo qulamah maxco kinni, tamahal daliil anee waamih sabbatah, kinnih immay rabe num kaqlisa numih gaba rabe numih qawrat fanat tu maleh xagtek waddoowam kaal waajib kinni.

Kaadu rabe numih qawrat kee gabak fanat tu hee kalah xage waam kaal tan, kaadu wonnah say num annaak xagaanam wado mabayissa, niyak xagay hinnay niyak xagewaay, qulamak saciicik tan maxcol, too waqdi labnak tu kaak awqe waytek, toh kah kinnim yallih farmoyti racmat kee nagaynan yallak kay amol yanay, isi agabuk garab fugutak suge, tohuk lakal waddoowe kalah salat abak suge.

Yallih maxco surat annisaa kee surat al maa idal kah temeetennah: “awlaa mastumunnisaa” [annisa’a: 43] [alma-ida : 6] , edde faxem say numul arbaanama: qulamak saciicik tan maxcol, woh qabbaas baxi qabdalla maxco kinni, yalli ken taama yakcanay, kaadu naharsi maraay ellecabo marak butta bahte meqe gital. Tawfiiqh yallih gabat yan

15hayto darsi : kulli muslimti faxxiimah yan caalat maqaane yaalleemi

Kulli muslimti yaallem faxxiimah yan caalata , woo caalat usuk nummaa kee amaanataay, tuk xaggursumaanam kee caya (wacarriyi), yaalleenim kinni. Kaadu agiirannuu kee mattacooy xagana duudusaanama, kaadu yalli carammossu heemik inkih

saytunnoowaah meqe cuggaytiinuu kee caagid le numuy ceyte sinni duddal kaa cataama, wohuk kalah yan caalatay yallih kitab kee yallih farmoytih sunna elle tescesse innal abaanam kak faxxiimam kinni.

16hayto darsi : islaam adabih adbimaanama

Islaaminnaah aadaabak tanim woh salaamaqle abaanam kee farcat luk garaanama, kaadu migdi gabah yakmeeniih teetih yaaqubeenimi, tu xagaanam qembisan waqdi bismillah iyyaanam, kee gaba kalan waqdi alcamdulillaah iyyaanama, kaadu sano[islice] lakal alcamdu lillaah iyyaanam kee santé num alcamdullaah iyyek, yalli koh racmatay kaah iyyaanama, kaadu biyaakita num gufaanam kee rabek salat kaal abaanam kee kay jinaada kataataanaah kaa yagooqeenimi, kaadu shariiqah adabi, masgid culan waqdii kee qari culan waqdiiy ken nammayak yawqen waqdi, kaadu safarah yanin waqdii kee namma xaleyna luk yanin waqdii kee ramadah kol xayi maraay cuggaane luk tan waqdi kaxxa maraay, qunxa maraa, kee baxi kah yooboke numuh tahniyat abaanam, kee digbe numuh barkat dooqa kaah abaanama, kaadu rabi musiiba kaat takkek taqziya kaah abaanama, wohuk kalah raqte islaam adabik sara sartan waqdiiy sara yayyaaqen waqdii kee kebella siiban waqdiiy tet ibat hayta waqdi tamah inkih faxxiimah yan adabi kinni.

17hayto darsi : shirkii kee umaaneena celli haytaamak (meesitaanama) cibbarsimaanama

Wohut edde tan malcinaamay koo finqissay girat koo qidda, woh: yallat agleyta haanam kee babaay, cakki akke waytek yalli qidaanama caraamu kak abe nafsi qidaanama, kaadu riba maalu yakmeenim kee gayxiixa maalu yakmeenimi, kaadu koros qeebit muslimiin marra

hayta waqdi kudak derre cabaanama. Kaadu moominiinih yan agabuy garcit yani dalwa abeeni axcuk ken xaafaanama.

Kaadu wohut edde tan, namma xaleynah amqe waanam kee ramad le mara yargiqeenim, kaadu aaxige waanamah sumaq yakkeenimi, kaadu diraabah aban xiibaa kee cuggaane ada abaanamaay qabal kee maaluuy yaabal sinam yadlumeenimi, kaadu koo taskirisem yaaqubeenim kee kammaar digraanama(woh meysar deqsita digiri), kaadu camii kee sinam ittal haanama, wohuk kalah yalli sinam kak waaseemi; hinnay kay farmoyti sinam kak waasem kinni.

18hayto darsi : rabe num rubsuusaanam kee salat kaal abaanaah kaa yagoqeenimi.

Tamahak baxxaqqa tah teeti:

1hayto rooci kak yawqem faxah yan numuh abaanam faxximtaama laa ilaaha illallaah itta maxco afat kaah haanama farmoyti -racmat kee nagaynan yallak kay amol yanay- iyyeemiik ugutak siinik raba marah laa ilaaha illallaah itta maxco afat keenih hayisa iyye.

Muslim isi saciicah addal baahe

Tama cadiisih addal rabe marat faxem rabi edde xayyoowe numuy rooci le kinni, woh rabuwaamih asta elle tumbullee num kinni.

2hayto rabem ismitti kaak haan waqdi, namma inti kaak alfaanaah, deben kaak yaxeenimi tama yallih farmoytih sunnal elle temeetennal.

3hayto muslimtuh anuk rabe num kaqlisaanam waajibik tan, koros qeebit shahiidihi rabe num yekkek hinna immay toysa diggah kaa

makaqlisaanaay salat kaal maaban, kinnih immay usuk edde rabe kay sarat edde kaa yagooqen, toh kah kinnim yallih farmoyti racmat kee nagaynan yallak kay amol yanay, ucuu qeebit rabe mara makaqlisinnaay salat keenil maabinna.

4hayto rabe sehaadaytu elle kaqlisan gurra naharak qawrat kaak yasturen tohuu lakal dagom fayya kaa haak bagut caalih kaak xukkutan bagut tanimkaak tawqemkeh tohuu lakal kaa kaqlisa sahdayi gabat soro culsee kee wohuk kalah tanim culse yakkeemi, eetit kay xagarak tewqem edde kalamkeh najaasak, tohuu lakal salaatah aban wadoh innah tan wadoh kaa waddoysaanama , tohuu lakal amoo kee deben lee kee kusrat kaak kaqlisaanama, hinnay wonnah taniimit kaa kaqlise yakkeenimi , tohuu lakal migdi xaban kak kalqisan , tokkeek guri xaban kaadu kalqisan tohuu lakal tamannal nammey haytoh addaa kee sidocaytoh adda kaa kaqlisaanama kulli adda bagul gaba kaak beyaanama, tokkel baguk tu kaak tewqek dibuk wokke kaqlisan , tu kak tewqe arac tuut akkee kee wonnah taniimit alfe yakken , tokkel woo tuut tawqem ayseede week niqin kalla edde hoonay, hinnay xaktar duyeeey qusbat yayseedoonay xagarat kaftam tekkeek wohuk kalah tanim tekkeek kaadu woo waqdi wado kaah qagsoonay, tama sidiica kaqalsot saytunnoowe week koona addaay, hinnay malcina adda fanah osse yakkoonay, tohuu lakal xagar sorot kaak kafsoonay, tohuu lakal suruy meqem xagarak xambaqimta aroocaa kee sujuud aroocat kaak haanama, kaadu suruy meqem xagaral inkih kaak haanam taysem kinni, kaadu kay kafan qirtot qiirisaanama kaadu footima (iroh arrobtih bagul yan xogor kinnuk) xogor kee lifiiqa kaak texxeerek kaak kaloonay, hinnay woh kaleweenik gibdaabinah lem mali; kaadu xogor kaak file waanaah sambo xogor kaak moole waanaah, solot kaah abe waanama; tamah abaanamal dalil aneewaamih taagah, (sabbatah) rabtem say num

tekkek amo xogor sidiica ikkel baxissi haanaah, derre le kabuk teetik oobak caban.

Shayto rabe sahdaytu kafnisaanama

Muxxoh aysuk raqtam lab num qado sidiica saroy kamis kee gumaamat aalle waytat kafnisaanama, yallih farmoytak kah aben innah, edde suge sartanak foyyah kaa caban, kaadu kamis kee tikya saroo kee kaa edde xambaqan kaxxa sarot kaa kafnisaanam kaltam mali.

Kaadu say num koona sarot kafnisan, kurtaa kee amo musaanaay tikya saroooy namma kaxxa saroy tet edde xambaqaana kinni, kaadu qunxa awka inki saro akkee kee sidiica sarot kaa kafnise yakken, qunxa say awkà kurtaa kee namma saroy tet edde xambaqaanat kafnisan.

Tamahak waajib inkih inki saroy rabe sahdaytih xagar inkih tasture kinni, kinnih immay rabe num cajji icraamat anuk rabek, tokkel diggah lee kee kusrat kaa kaqlisan, kaadu kay tikya saroo kee kay sunkuh sarot edde kaa kafnisan, hinnay wohuk kalah taniimit kaa kafnisaanama, too waqdi amoo kee fooca kaak malfaanaay, suruy meqem kaal mahaan (cajjil rabe num kinnuk), toh kah kinnim usuk qhiyaamah ayro labbeyka allaahumma labbeyka axcuk ughta, yallih farmoytih cadiisil kah temeetennah racmat kee nagaynan yallak kay amol yanay, cajji icraamat anuk rabtem say num tekkek icraamat anneewa marih innal tet kafnisan inkih tet xagar asturak, kinnih immay suruy meqem teetil mahaan, kaadu foocat kafta sarot fooca teetik mayasturaanaay namma gabat culsan oloh innah tanim gabat teetik maculsan, kinnih immay foocaa kee gaba teetik tet edde kafnisan kafanat edde teetik qellisoonaay, say numut aban kafnisiyyal baxxaqqal koh kah taturtannah.

6hayto sinaamak kaa kaqlissaah salat kaal abaanam kee kaa yagooqeenim cakkisittam

Sinaamak kaa kaqlissaah salat kaal abaanam kee kaa yagooqeenim cakkisittam: wohuh usuk farriime numu: tohuk lakal abba, tohuk lakal kaxxa abba, tohuk lakal ramadah kaal xayī mara, tokkel usuk lab num yekkek kay ramadak kaal xayī mara cakkisittam.

Kaadu say num kaqlisa marak aysuk raqtam: is farrimte say numu , tohuk lakal ina, tohuk lakal aboyya, tohuk lakal tet say marak xaynah xayuk teetil raaqinnaanih say mara, kaadu barraa kee baqalak mariiy mara keenik kaqlisah, toh kah kinnim abuubakar assiddiiqh yalli kay taama yakcanay; kay barra kaa kaqlisse, kaadu qali yalli kay taama yakcanay isi barra faatuma kaqliseh yalli tet taama yakcanay.

7hayto rabesahdaytul salat elle aban weelo affara takbiirat aba, naharsi takbiiratih lakal alcamdu yakriye, alcamdulluk ux suura akki hinnay inki aayat akkee kee hinnay namma aayat akriye yekkek meqeh, tohul saciicik yan cadiis yemeeteemih sabbatah, qabbaas baxa qabdallak elle baahen innal,yalli ken taama yakcanay, tohuk lakal nammay hayto takbiiratih lakal, yallih farmoytal racmat kee nagaynan oobisa, attaciyyah addal elle oobisa gurrat, tohuk lakal sidocayto takbiirat aba: (ta dooqa iyyaah aba) yi rabbow nek nuwwi maraa kee rabe araay nek garil yan maraay nek allal yan maraay nek qunxa maraay nek kaxxa maraay nek lab maraay nek say marah inkih dambi cab iyya, yi rabbow nek atu tuynuwwee mara, toysa islaamaninnol uynuwuiy, kaadu nek qidde mara, toysa iimaaninnol qid, yi rabbow dambi kaah cabaay kaah racmat, kaadu kaa qaafiyattoysaay qafu kaah ab, kaadu ooba arac kaak eymeqaay cula arac farakka kaah hayis, kaadu lee kee naafaay barafat kaa kaqlisaay qado saro najaasak kah saytunnoosan innah dambittek kaa saytunnos

iyya, kaadu akeera buxa addunya buxak tayse buxa kaah abaay, akeerah ahali addunyah ahlik yayse ahli kaah ab. Kaadu jannat kaa culusaay qhabri digaalaa kee gira digaalak kaa cat, kaadu qhabri adda kaah fakaay kay adda kaah nooris iyya; yi rabbow kay galto caraamu nel maabinaay, kay lakal nee ma makkoysin. Tohuk lakal ferey haytoh adda takbiirat aba, tama takbiiratih lakal inki adda migdal salaamat gacsa. Kulli takbiirat aba waqdi namma gaba fayya haam kakanu le, rabtem say num tekkek teetih aban dooqal, yi rabbow dambi teetih cab iyyaanama tama dooqak ellecabo fanah. Kaadu rabe mari nammay yekkek, keenih aban dooqal, yi rabbow ken nammayah dambi cab iyyaanama; tama dooqak ellecabo fanah , kaadu rabe mari tamahak yemeggeek, keenih aban dooqal, yi rabbow dambi keenih cab iyyaanama; tama dooqak ellecabo fanah, rabtem qunxa saldi tekkek dambi cabti dooqah aftok iyyaanah: yi rabbow kay namma xaleynah, yuysukumuteeniih dansiteenim keenih ab oggolsime shafiq keenih ab, yi rabbow ken nammayih miidaan iyqilsiyaay, ken nammayih galto keenih eyneb, kaadu moominiinik meqe mara ken kataysaay nabii ibraahim kafaalatat yan mara ken ab, yallak racmat kee nagaynan kay samadal yanay, kaadu yi rabbow ku racmatah jaciim deqsitta girah digaalak kaa cat iyyaanama. Tama salat aban waqdi sunnah tanim: imaam rabe lab numuk moyya missal soolaah, rabte say numuk gudel soolaama, kaadu rabe maray salat elle aboonuh baaheeni gaaboowek, lab numih jinaada imaam le kabuk raqta; say numih jinaada kiblat le kabuk raqta , kaadu qunxa urrih jinaadoodi keenilluk tenek, qunxa lab awkih jinaada imaam le kabu yaysukumen say numih jinaadak, tohuk lakal say numih jinaada haan, tohuk lakal say qunxa awkah jinaada haan, tokkel qunxa lab awkih moyya, numtin moyyah missal haan, kaadu say numuk gude numtin moyyah missal haanaah, tonnah qunxa awkah moyya say numih moyyah missal haan, teetik gude numtin moyyah missal raqta, too

waqdi salat aba mari inkih imaam derrel soolan, inki numuy elle soola arac geewee tekkek hinna immay tokkel usuk imaamak derre le kabuk migdak soola.

8hayto rabe sehaadaytu elle yagooqen gurra naharak faxximtam qhabri adda bahsiisaanama, xexxaarah numuk gude fanah, kaadu lacdi kiblat le kabut raaqaama, rabe num lacdi addal migdi tattabah kaa haanama, kaadu kafan edde yoxeen axoowa fakaanaah elle tet caban qhabrik tet ayyaaqe kalah; rabe sahdaytuk foocak kafan kale woonay, lab num tekkek hinnay say num tekkek inkittu, tohuk lakal lacdik afat kalla soolisoona, too kalla meqe innah kalla tet aba tet arqusak tokkel kalla geyto kaah xabbocoowe waytek , wohuk kalah tanim hoonay, lucwa akkee kee xeet akkiyy, hinnay cooxuy burta kaak cata hoonay tohuk lakal burta kaal caxan, kaadu lacdil kaa haa num ta maxco iyyam kakanu le: (bismillaah) yallih migaaqal koo haah, yallih farmoyti gital koo haa iyyay qhabri baaxok shibri gide “20cm” fayya hoonay, kaadu qhabrik bagul arraaqi hoonay, woh kaah xabbacowtek; kaadu lee qhabri bagul caxoonay. Kaadu qhabri fanah kaa rubsuusa mari qhabri amol soolak dooqa kaah abaanam faxximta, toh kah kinnim yallih farmoyti racmat kee nagaynan yallak kay amol yanay; rabe sahdayti maagaqak gaba kala waqdi, kay amol soolak suge sinni toobokoytah, yalla dambi cabtii kee wokkel malayka kaat abta esseril diggi kaa haam kaah essera , diggah taway usuk esserimahak iyye.

9hayto rabe yan sahdaytul salat abam kak xiqtah tan num kaa buuleenik lakal salat kaal abam faxximta salat kaal abe kal sugek

Tamah yallih farmoyti racmat kee nagaynan yallak kay amol yanay abem kinni, tama salat alsi adda akkee kee alsak daggoowe yakke waktih addat abbiima, tokkel wakti tamahak yemeggeek salat qhabri

amol abaanam mafaxximta, toh kah kinnim yallih farmoytak tama xaagu mabaahinnon, rabe sahdaytu boodot buuleeniik lakal salat kaal abem.

10hayto rabi edde yekke mari sinaamah maaqo haam maxiqta kaxxa sacaabiiti bajali qabdalla jariirih baxih maxcol -yalli kay taama yakcanay- rabe num yogooqeenik lakal rabeh yan numih marih xaqul gaaboowaanam kee usun sinaamah maaqo haanam, rabe numih caalatat yaabak boogisaanam (weeqaanamat) loowak sugne iyye. Imaam acmad meqe gitak baahe rabi edde yekke marah maaqo haanam kee hinnay qibinah haanamah tu gactek woh tu mali, kaadu kaal xayy maraa kee kay cuggaaneh maaqo haanam fixximta, toh yallih farmoyti racmat kee nagaynan yallak kay amol yanay: abiitaalib baxi jaqfar rabeemih xaagi shaamak kaah yemeete waqdi, yallih farmoyti isi mara amriseh jaqfar buxah marah maaqo hayisa iyyaanamah diggah ken agxissah tanim keenih temeetek iyye

Yallih farmoyti rabe numih mari sinni cuggaane kee hinnay aka marah hadiyyatah keenih baahen maaqoh makmoh keenih cecaanam dambi keenil mali iyye, kaadu tamah yimixxige wakti mali sharqil ninnih elle naaxigennal.

11hayto barra rabe numuh sidiica ayrok maggom rookittam teetih maxiqta, isi baqla akke waytek, toysa is kaah affara alsaa kee tabna ayro rookittam teetil waajib kinni, baqalak bagut luk raqte barra tekke tet akke waytek

Barra rabe numuh sidiica ayrok maggom rookittam teetih maxiqta, isi baqla akke waytek, toysa is kaah affara alsaa kee tabna ayro rookittam teetil waajib kinni, baqalak bagut luk raqte barra tekke tet akke waytek tokkel is xalla ittam fanah rookat sugta, saciicik tan sunnal yallih farmoytak elle dabaqtennal.

Lab numuh tu gactek inki numuh rookitam kaah maxiqta kaal xayii mara tekkek hinnay keenik kalah yan mara tekkek

12hayto lab mari qhubuur diyaaram faxximtah, akkinnaanah wakti rabe marah dooqa abaanaah racmat keenil oobisaanaah raba kassitaanam kee kaak(raba kinnuk) lakal tanim kassitaanamkeh yallih farmoyti -racmat kee nagaynan yallak kay amol yanay- maxcook gexak: ,qhubuur diyaara, toysa diggah akeera sin kassiisak imaam musilim isi saciicil yeyyeeqe , kaadu yallih farmoyti racmat kee nagaynan yallak kay amol yanay kataysis barisak suge qhubuur diyaaran waqdi kah iyyan inna: moominiin kee muslimiinik assalaamu qaleykum ta buxaaxih maraw, kaadu diggah nanu sin kataatenno inshaa-allah, ninnii kee siinih inkih yalla qafu esserna, nek tookomem kee nek udurrutteemih inkih yalli racmatay; say marah tu gactek usun qhubuur diyaaraanam malon

Yallih farmoyti racmat kee nagaynan yallak kay amol yanay, say marak qhubuur diyaarta sayyol laqnat yan iyye; toh kah kinnim , usun aban diyaarat fitna tamaatem kee sabri dagnak keenih meesiteemi, sabbata , kaadu wonnah qhabri fanah jinaada kataataanam keenih maxiqta, toh kah kinnim yallih farmoyti tohuk ken waaseh, rabe sahdaytul masgiidil salat abaanam kee hinnay booxal salat abaanam lab maraa kee say marak inkih faxximtah tanim kinni

Tah gaaboysam yoh kak xabbocowteemik ellecabo kinni.

Yallak racmat kee nagaynan ni nabii mucammad amol yanay, kaadu kaal yeemene maraa kee kay kataysiisil yanay

Taaxigem Faxximta Qasirwa Ummatta Inkih	2
Aakama	4
Ummatta inkih taaxigem faxximta qasirwa	5
1hayto darsi : surat alfaaticaa kee ux suuraari	5
2hayto darsi : islaam diinih ruknitte (makaadooda)	5
3hayto darsi : iimaan ruknitte (makaadooda).....	6
4hayto darsi : tawciid kuritteetaa kee sherki kuritteeta	6
5hayto darsi : maqaane.....	10
6hayto darsi : salat shuruut	10
7hayto darsi : salaatak ruknitte:	11
8hayto darsi : salaatak waajibih taniimi.....	11
9hayto darsi : attaciyya baxxaqqa	11
10hayto darsi : salat sunnaani	12
11hayto darsi : salat bayissaama	14
12hayto darsi : wadok shartitte	15
13 hayto darsi : wadok farditte	15
14hayto darsi wado bayissaama	15
15hayto darsi : kulli muslimti faxxiimah yan caalat maqaane yaalleemi	16
16hayto darsi : islaam adabih adbimaanama	17
17hayto darsi : shirkii kee umaaneena celli haytaamak (meesitaanama) cibbarsimaanama.....	17
18hayto darsi : rabe num rubsuusaanam kee salat kaal abaanaah kaa yagoqeenimi.....	18

الإسلام 100 بأكثر من



موسوعة المصطلحات الإسلامية
TerminologyEnc.com



موسوعة تضم ترجمات المصطلحات الإسلامية وشروحها بعدة لغات



موسوعة الأحاديث النبوية
HadeethEnc.com



موسوعة تضم ترجمات للأحاديث النبوية وشروحها بعدة لغات



موسوعة القرآن الكريم
QuranEnc.com



موسوعة تضم تفاسير وتراجم موثوقة لمعاني القرآن الكريم

IslamHouse.com



مرجعية مجانية إلكترونية موثوقة للتعريف بالإسلام



منتقى المحتوى الإسلامي



موسوعة تضم المنتقى من المحتوى الإسلامي باللغات

جمعية خدمة المحتوى الإسلامي باللغات



جمعية الدعوة وتوعية الجاليات بالربوة



الدروس المهمة لعامة الأمة